



UNIVERSITÄTS-  
BIBLIOTHEK  
PADERBORN

# **De Congregationibus Clericorum In Communi Viventium**

**Le Mire, Aubert**

**Coloniæ Agrippinæ, 1632**

Illustrissimo Domino, D. Nicolao Alberto Gnievvosz De Olexovv,  
Serenissimi Regis Poloniæ Legato Ad Regem Christianissimum, Et Ad  
Serenissimam Isabellam Claram Evgeniam Hisp. Infantem, Abbati ...

---

[urn:nbn:de:hbz:466:1-64608](https://nbn-resolving.org/urn:nbn:de:hbz:466:1-64608)



Illustrissimo Domino,  
**D. NICOLAO**  
**ALBERTO**  
GNIEVVO SZ DE OLEXOVV,  
SERENISSIMI REGIS POLONIÆ  
**LEGATO**  
AD REGEM CHRISTIANISSIMUM,  
ET AD SERENISSIMAM  
ISABELLAM CLARAM EVGENIAM  
HISP. INFANTEM,  
ABBATI COPRIVICIENSI &c.



OEnobiticæ seu commu-  
nis vitæ ratio quantum  
boni Ecclesiæ & Reipu-  
blicæ vniuersæ, quantum  
commodi singulis adfer-  
re soleat, nemo est qui nesciat. In pri-  
mo nascentis Ecclesiæ exordio, APŌS-  
TOLI eorumque asseclæ id agnoue-  
runt; vt in eorundem Actis cap. 4 Lu-  
cas commemorat: *Multitudinis credentium*

(. .) 2 erat

## EPISTOLA

erat cor vnum, & anima vna, neque quisquam eorum quæ possidebat, aliquid suum esse dicebat, sed erant illis omnia communia. Quotquot enim possessiones agrorum aut domorum erant vendentes, adferebant pretia eorum quæ vendebant, & ponebant ante pedes Apostolorum: diuidebatur autem singulis, prout cuique opus erat.

Hæc fuit prima Christianismi in vrbe Hierosolymitana facies. Istiusmodi instituti & Alexandria in Ægypto princeps atque antesignanus fuit S. Marcus Euangelista: vt Cassianus libro secundo capit. 5. & Hieronymus in Marci Vita commemorant. Ex Oriente in Occidentem perfectior illa & à tumultu populari seductior viuendi formula paulatim transijt. In Italia Sanctus EVSEBIUS Vercellensis Episcopus ex Thracia (vbi pro causa religionis exulauerat) domum redux, primus, vt S. Ambrosius loquitur, *in Occidente vitam monasticam cum clerica coniunxit*, & quod admirabile est, *in sancta Ecclesia Vercellensi eosdem monachos instituit*, quos clericos, hoc est, clericos more Monachorum in communi viuentes.

Quod

## DEDICATORIA.

Quod ipsum præstantissimum  
 vitæ genus S. AVGVSTINVS in Afri-  
 cam postea tranſuexit. De Augustino  
 lubet ipsum Possidium, eius disci-  
 pulum & vitæ scriptorem, audire  
 loquentem: Factus presbyter monasterium  
 intra Ecclesiam mox instituit, & cum Dei seruis  
 viuere cœpit secundum modum & regulam sub  
 sanctis Apostolis constitutam; maxime vt nemo  
 quidquam in illa societate proprium haberet, sed  
 eis essent omnia communia. Monasterium,  
 inquã, non Monachorũ, sed clericorũ  
 in cõmuni, instar monachorũ viuen-  
 tium, instituit. Quod quidem ex sub-  
 sequentibus Possidij verbis clarè da-  
 tur intelligi: Proficiente, inquit, doctrina  
 diuina, sub Sancto & cum sancto Augustino in  
 monasterio Deo seruientes Ecclesie Hipponensi  
 clerici ordinari cœperunt. Ac deinde innotescente  
 & clarescente de die in diem Ecclesie catho-  
 licæ prædicationis veritate, sanctorumque seruo-  
 rum Dei proposito continentia & paupertate pro-  
 funda, ex monasterio, quod per illum Vene-  
 rabilem virum & esse & crescere cœperat,  
 magno desiderio poscere atque accipere Episco-  
 pos & clericos pax Ecclesie atque vnitas & cœpit  
 primò, & postea consecuta est.

Cursu deinde temporis, vt fieri so-

## EPISTOLA

816

set, collapsam Clericorum seu Canon-  
 nicorum ( quos olim in communi  
 vixisse, nemo antiquitatis Ecclesiasti-  
 cæ peritus ignorat) disciplinam Patres  
 concilij Aquisgranensis, Ludouici  
 Pij Imp. hortatu, anno salutis octin-  
 gentesimo sexto decimo, instaurarūt;  
 Formá institutionis Canonorum &  
 Sanctimonialium canonicè viuentiū  
 conscriptâ & publicatâ. Quas quidem  
 Canonorum & Canoniarum vir-  
 ginum vitæ Regulas, à Iacobo Sir-  
 mondo Soc. Iesu Theologo, ad fidem  
 veterum codicum manuscriptorum  
 collatas & castigatas, atque in secun-  
 dum volumen Conciliorum Galliæ  
 relatas, à paucissimis nostri ordinis  
 hominibus legi miror, ne dicam in-  
 dignor.

Vt ad sæcula nobis viciniora ve-  
 niam, ante annos plus minus ducen-  
 tos quinquaginta *Gerardus Magnus*, Fra-  
 trum seu Clericorum vitæ communis  
 conditor, floruit; qui quidem celeberrimas olim scholas per Germaniam  
 inferiorem habuerunt, quosque Pe-  
 trus

## DEDICATORIA.

trus Ribadeneira, in vita S. Ignatij Loiola, illo nomine laudat ac commendat. Superiore sæculo *Ioannes Petrus Carafa*, Pontifex Maximus Pauli IV. nomine postea clarus, *Theatinos*, *Bartholomæus Ferrarius* Barnabitas, *S. Ignatius Loiola* Societatem Iesu, *Hieronymus AEmilianus* Somaſchenses, *S. Philippus Neri* Presbyteros Oratorij in Italia, *S. Carolus Borromæus* Oblatos *S. Ambrosij Camillus Lælius* S. Philippi Neri discipulus, Clericos Regulares Ministrantes infirmis, *Ioannes Augustinus Adornus* Clericos regulares Minores, *Cæsar Bussius* Clericos Doctrinæ Christianæ, & nostra demum ætate *Petrus Berulius* Presbyteros Oratorij Domini Iesu in Gallia vicinisque prouincijs, instituerunt.

Harum omnium piarum Congregationum initia atque incrementa, ILLVSTRIS SIME DOMINE, cum vnum in corpus collegissem, & liber sub typis Coloniensibus caleret, eo ipso tempore quo Illustrissima Dominatio vestra legationem illustrem,

(:.) 4 nomi-

EPISTOLA

nomine Serenissimi Sigismundi Regis Poloniae, ad Regem Christianissimum Ludouicum XIII. & ad Serenissimam Isabellam Claram Eugeniam Hispaniarum Infantem feliciter obibat, non alius mihi patronus quaerendus fuit, quam is qui istiusmodi piis sacrisque institutionibus carperetur ac delectaretur. Et verò saepe mihi in mentem venit illius sermonis, quem de rebus istis vna Antuerpiae non semel habuimus: quo nomine plurimum mihi gratulor, quod alterum scilicet *HOSIUM* Poloniae quam utilissimum ac gloriosissimum, ut ominor, futurum coram nosse, & quae singularis Vestra humanitas fuit, familiariter vti, magno meo bono ac commodo, datum fuerit. Plura non addo, ne gratiam captare videar, & ne modestiae Vestrae, quam omnes admirantur ac suspiciunt, sim molestus. Vno verbo liceat sororis meae filium, *Aubertum Aedum Miræum*, Canonicum Antuerpiensem, quem Illustrissima Domi-

Domij

## DEDICATORIA.

Dominatio Vestra ad se in Galliam  
euocare, & Eleemosynarij sui munere  
in ista legatione honorare dignata  
fuit, de meliore nota commendare;  
Deumque precari, vt honorum incre-  
mentis eandem augeat, atque in vni-  
uersæ Ecclesiæ ac Reipublicæ Chri-  
stianæ, atque in primis Regni Polonici  
bonum diutissimè sospitet. Antuer-  
piæ ipsis Cal. Ian. M. DC. XXXII.

*Illustrissimæ Dominationis Vestræ  
studiosissimus*

AVBERTVS MIRÆVS.

(:.) 4

INDEX